


Ban Jalan Kebun baru pecah



Keadaan ban yang pecah berikutan fenomena air pasang besar, semalam.

KAPAR - Sebuah lagi ban di Jalan Kebun Baru, Batu 5 Jalan Kapar dilaporkan pecah memasuki hari ketiga fenomena air pasang besar, semalam.

Ketua Balai Bomba dan Penyelamat Sungai Pinang, Zaidi Athan berkata, ia dipercayai pecah jam 5.30 pagi.

"Berikutan itu, air merempuh masuk ke kawasan ke-

diaman berdekatan dengan begitu deras sejam kemudian.

"Akibatnya rumah di situ ditenggelami air," katanya.

Kelmarin, di kawasan yang sama ban turut dilaporkan pecah.

Menurutnya, bomba dan agensi lain terpaksa bersedia membantu penduduk berpindah.

Pada masa sama, katanya, dua pusat pemindahan kekal dan masih beroperasi.

"Mangsa yang berada di Dewan Kampung Tok Muda kekal 236 orang melibatkan 53 keluarga.

"Manakala di Dewan Datuk Ahmad Razali pula seramai 167 orang membabitkan 43 keluarga," katanya.